

جريدة محاکمه

جمعه ايرتسی

نومرو	بحرم	سنه	تموز	سنه	صفیفة
۷۱۲	۸	۱۳۱۱	۱۰	۱۳۰۹	۱۰۵۰۹

(اشوغزته بهر هفته جمعه ايرتسی کونلری چیقار . سنه لکی در سعادت ایچون مجیدیه یکر می فروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکر می فروش اولق اوزره یوز پاره یه هر یرده صاتیلور . درج اولنه جق)
 (اعلا ناک هر برندن بر مجیدیه اخذ اولنور . سنه لکینه مشتری اولق استیانلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

قسمت

توجهات

سیروز بدایت محکمه سی مدعی عمومی
 معاونلکی طرابلس شام بدایت محکمه سی مدعی عمومی
 معاونی اسبق رزقاه افندی به

بلقا بدایت محکمه سی مدعی عمومی معاونلکی
 مکتب حقوق شاهانه مآذونلرندن عادل افندی به

قونییه ولایتی مرکز بدایت محکمه سی جزا
 دائره سی ریاستی دیار بکر ولایتی استیناف
 محکمه سی مدعی عمومی اسبق عزتو نظیف
 افندی به تقویض بیورلش ومومی الیه مک مغایر
 عدالت حرکاتده بولنیه جقلرینه وذات شوکتسمات
 حضرت خلافتناهی به ودولت علیه لرینه صادقانه
 ایفای خدمت ایده جکلرینه دائر تحلیف لری اجرا
 قلنمشدر .

(فی ۲۲ ذی الحجه سنه ۳۱۰ وفی ۲۴ حزیران)
(سنه ۳۰۹ تاریخنده بالجمله ولایات استیناف)
(محکمه سی مدعی عمومیلرینه ومدعی عمومی)
(بولنمیان محللر مدعی عمومی معاو نلرینه یازیلان)
(تحریرات عمومیه صورتیدر)

عسا کر شاهانه ضابطان و افرادینک آحاد ایله اولان هر نوع دعوالرینک دیوان حر بلرده رؤیتی مقدا با اراده سنیه ملوکانه اصول اتخاذا اولدینگی حالده مؤخرأ شرفتعلق بیوریلان اراده سنیه جناب خلافتیناهی منظوق عالیسنجه او مللودعاوی اندن مقدم عاذا اولدینگی محاکم نظامیهیه ارجاع واشبو ایکی اراده سنیه بیننده کی مدت ظرفنده جرائم واقعهیه دأر اولان دیوان حر بلرجه لاحق اولان حکملرک صلاحیت دأره سننده ویرلمش اولدینگی جهتله تنفیذ واجراسی دخی ایجاب ایدنلره تبلیغ واز بار ایدلمش اولوب انجق سالف الذکر اراده سنیه جناب پادشاهینک شرفصدورندن مقدم ولایات والویه دیوان حر بلرنده صلاحیت دأره سننده ویریلان ومواد جنائیهیه متعلق اولوب باب سرعسکری محاکمات دأره سننجه تدقیق وتمیز اولنمیان حکملرک دخی تنفیذ واجراسی لازمکلوب کلیه جکی بعض طرفلردن استفسار اولتمقدن ناشی باب عالی ایله بالمخبره ۲۴ شباط سنه ۳۰۸ تاریخیه وارد اولان تذکره سامیهده بو بایده شورای

دولت تنظیمات دأره سنندن قلمه النوب مجلس مخصوص وکلاده قرائت اولنان مضبوطه درمیان اولندینگی وجهله قباحت و جنحهیه دأر مقدا دیوان حر بلردن ویریلوب کسب قطیعت ایتمش اولان حکملرک اجراسی طیبی بولندینگی کبی جنایاته دأر اولجه ینه مذکور دیوانلردن ویریلان حکملر محاکم نظامیهیه تودیع ایدلمک لازم کسه بر چوق شهودک جلی و تحقیقات ومحاکماتک تجدیدی طرفی اختیار ایدلمک اقتضا ایده جکی وبوایسه مشکلات وضیاع حقوقی مستلزم اوله جکی جهتله بو حکملرک باب سرعسکری محاکمات دأره سنده اصولی وجهله تدقیق اولندقدن صکره موقع اجرایه وضعی و فقط نواقصندن طولانی دأره مزبور جه نقض ویافسخ حکم ایله تکرار محاکمه سی قرارلشدیریلان دعاوینک محاکم نظامیهیه اکالی تنسیب اولندینگی بیان عالیسیله اکا کوره معامله اولنسی امر و اشعار بیورلمش واشبو تحریراتک نسخ مطبوعه کافیه سی دخی لفأ صوب شرفلرینه تسیار قلنمش اولغله بو بایده لازم کلان مأمورین عدلیهیه تبلیغ کیفیت همت اولنسی سیاقنده .

(فی ۲۶ ذی الحجه سنه ۳۱۰ وفی ۲۸ حزیران)
(سنه ۳۰۹ تاریخنده بالجمله ولایات استیناف)
(محکمه سی مدعی عمومیلرینه ومدعی عمومی)
(بولنمیان محللر مدعی عمومی معاو نلرینه یازیلان)
(تحریرات عمومیه صورتیدر)

شرائط ورسوم تمیزیه نقصاننه دأر محکمه تمیز استدعا دأره سنندن محاکم رؤسانه کوندرلمکده اولان محرراتک دفعاتله تأکید اولندینگی حالده اکثریا جواب النهم مقده اولسی مصالح واقعه نک تأخر رؤیتی مستلزم اولقدنه اولدیقدن بحثله بعد ازین وقوعبوله جق تبلیغات وقت وزمانیه جواب النمدینگی حالده اصول محاکمات حقوقیه قانوننک ایکوز یکرمی النجی ماده سی حکمنه توفیقاً تأخره سیبیت ویرن مأمورک مسئولیتنه قرار ویریله جکی بوکره دأره مذکور ریاستندن افاده اولنمش وبوصورت نظارتجه دخی موافق مصلحت کورینهرک کیفیتک لازم کلانلره تبلیغ ضمننده اشبو تحریراتک نسخ مطبوعه کافیه ومصدقه سی لفأ ارسال قلنمش اولغله اکا کوره ایفای معاملهیه همت .

(جزا قانوننک بوکره تعدیل قلنان و مرعیت)
(احکامنه بالاستینان اراده سنیه جناب)
(پادشاهی شرفتعلق بیوریلان یوزاللی یدنجی)
(ماده سی صورتیدر)

یوزاللی یدنجی ماده یول امری و مرور تذکره سی و بساپورطی و تذکره عثمانیه یی ساخته اوله رق یایان و یاخود اشبو اوراقی تغیر و تحریف ایدن وبو مقوله ساخته و تغیر و تحریف اولنمش اوراقی استعمال ایلان اشخاص بر سننه دن اوچ سنهیه قدر حبس اولنور .

(فی ۲۸ ذی الحجه سنه ۳۱۰ وفی ۳۰ حزیران)
(سنه ۳۰۹ تاریخنده بالجمله ولایات استیناف)
(محکمه سی مدعی عمومیلرینه ومدعی عمومی)
(بولنمیان محللر مدعی عمومی معاو نلرینه یازیلان)
(تحریرات عمومیه صورتیدر)

تذاکر عثمانیه یی تغیر و تحریف ایدنلر حقنده

جزا قانوننامه هایوننده بر کونه جزا تعیین
ایدلماش اولقندن ناشی قانون مذکورک یوز الی
برنجی ماده سی حکمنجه بومثلولرک جزالدر یله -
جقاری ماده مذکورهده تصریح ایدیلرک اولبابده
شورای دولتدن قلمه النوب مجلس مخصوص وکلا
قراریله بالاستیدان مرعیت احکامنه اراده سنیه
جناب خلافتناهی شرفتعلق بیوریلان ماده معدله
صورت مصدقه سنک ارسالیله نظا تجه اجرای
ایجابی شرفوارد اولان ۲۲ کانون اول سنه ۳۰۸

تاریخی تذکره سامیهده امر و اشعار بیورلمش
وماده معدله مذکوره ایله برابر اشبوتخیرات
عمومیه نک نسخ مطبوعه کافیه سی لقا تسیر فلنمش
اولغله دائرة مأموریت بهیه لرنده بولنان محاکمه
دخی اولوجهله ایضای معامله اولغسی سیاقنده
شقه .

قسم غیر رسمی

کره سون بدایت محکمه سندن ۲۳ حزران

اعلام مذکورک خلاصه مالی مرقوم
بنایوطک من بور نجیب اغایه اولان یوز الی ایکی
عدد سیم محیدیه دینه مقابل ترهین ایتیش اولدینی
معلوم الحدود بر باب خانه سنک وعده رهنک
اقتضاسته منی مزایده چیقارلدقد نصکره اولبابده
وقوعبولان مضارف ایله مبلغ مذکورک فائضی
بالتأدیه بر سنه دهها تمدید مدت و تجدید سند
اولنهرق تأخیر مزایده ایدلش و ختام مدته
طابوکاتبی مصطفی افندی معرفتیه مبلغ مذکوره
محسوباً یدییوز الی الی غروش تسلیم و مرهون
خانه نک حدودی داخلنده بولنان عرصه دن
بر مقدار ینک بالافراز بیک یوز غروش بدل ایله
داین مرقوم عهده سنه فراغی اجرا و درتیوز

غروشده نقداً ایفا ایدلش اولدیفندن سکر یوز
غروش بوزجی قالب بونک دخی قسم کلیدی تأدیه
ومتباقیسی حصول موافقتله تأجل ایدلش ایکن
ایکی سنه صکره بلاخبارلر مرهون خانه نک فروخته
تثبت اولدیفندن بخله حقوقک محافظه سی طلب
ودعوی ایتسنه قارشو من بور نجیب اغا دخی
منازع قیه خانه باطابو کندوسنه مرهون اولوب
وعده نک اقتضای و دینک عدم ایضای حسبیله
بالمزایده رغبات ناسک انقطاعندن صکره کندو
عهده سنه معامله فراغیه سی اجرا ایدیلرک مدعی
مرقومک اون بش محیدیه اجاره ایله اقامت ایتیکده
اولدینی مدافعه درمیان ایتسیله سبق ایدن
استعلامه جواباً طابوقلمندن ورود ایدن تذکره ده
مرهون خانه نک بالمزایده یالکر سکر لیرا بدل ایله
مرقوم نجیب اغا عهده سنده تقرر ایدرک معامله
فراغیه سی اجرا اولدینی و سالف الذکر یدی
لیرانک دخی فراغدن مقدم نجیب اغایه ویرلدیکی
کوشترلش اولسیله جریان ایدن محاکمه ده
مدعی مرقوم سالف الذکر خانه نک عرصه سندن
بر مقدار ینک افراز یله مدعی علیه عهده سنه
تقویض قلمش اولسی مجموعی حقنده بالمزایده
فراغ اجرا سنک بی اساس اولدینه دلیل اولدینی
وادعا اولنان اونبر محیدیه خانه سنه ویریلان

ارزاق اثباتی اولوب بوندن غیراز استیفایالکر
الی بش غروش بوزجی قلمش ایسه ده بوکا مقابل
سکسان غروش قیمتده مدعی علیه برطاقم حمام
حوایسی اعطا ایدرک تسویه دین ایلش و سالف
الذکر یدی لیران بشقه بشیوز سکسان بش
غروش تسلیاتی بولنش اولدینی بیان وادعا
ایلمسی و مدعی علیه بوضورتلری انکار ایلمسی
حسبیله مدعینک طلب و تکلیفی موجبجه ذکر
اولنان اونبر محیدیدن غیراز مقبوض الاجنی قلال
الی بش غروش مقابل حمام طاقی اولیوب
بروجه ادعا حمام طاقی بشقه جه الاجنی بولنان
درت محیدیه محسوباً الدیفنه و مذکور یدی
لیران بشقه بشیوز سکسان بش غروش المدیفنه
دائر مدعی علیه اجرای تحلیفندن صکره جریان
ایدن تدقیقات نتیجه سنده خانه مذکورک مدعی
علیه عهده سنه فراغ اولدینی اکلشلدیفندن
اشبو معامله دن متضرر اولنرک مأموری علیه نه
شکایت حقلری اولق اوزره مدعینک فراغ
ادعاسنک ردینه و مدعی طرفندن ادعا اولنان
یدییوز الی الی غروشله درتیوز غروش تسلیات
وقوعی مدعی علیه اقرار یله تبیین ایتیش
اولدیفندن قانوناً مقبول کوریلان اوچیوز التمش
بش غروش مزایده و فراغ مضارفیه مدعینک

مذکور خانه ده اقامت ابتدایی مدت ایچون
تقدیر ایدیلان یوز الی غروش اجر مثلك
ومذکور اونبر مجیدیه دن باقی قلان الی بش
غروشك تنزلیله متباق بشیوز سكسان الی
غروشك مدعی علیهدن تحصیله وسالف الذکر
عرصه بدلی اوله رق در میان اولسان بیک یوز
غروش تسلیمات دعواسنك ردینه حکمدن واشبو
حکم علیهنده مستدعی تمیز وکیل انسطاس
افندیك باشلوجه اعتراضاتی وعده رهنك بر سنه
دها تمیدینه موافقت طرفین حاصل اولمش ایکن
بدایت محکمه سنجه بوجهتك نظر دفته النامسی
مغایر قانون اولدیغدن بختله اعلامك نقضی
استدعاسندن عبارت بولمشد .

ایجابی لدی المذاکره تمیز اولسان اعلامدن
مستفاد اولدینی اوزره منازع فیه اولان خانهك
مرهوناً بالمزایده بیع وفراغ اولمش اولسنه نظراً
امر مزایدهك اجرا مأموری معرفتله می یوقسه
طابو مأموری طرفدنمی اجرا قلندی و مذکور
خانه ایچون تقدیر اولسان اجر مثلك بغیر حق
اهل وقوفك اخباریله تعیینی احکام مجله اقتضاسندن
اولدینی حالده اجر مثلك بوضورتله تقدیر ایدیلدی
اعلام مذکورده ذکر و بیان قلنامش اولدینی کی

اتنای محاکمه ابتدائیه داینگ رضاسیله برسنه
دها تمید مدت وتأخیر مزایده ایدیلدی ومدعی
پنايوط طرفندن در میان اولمش وشو حالده ختام
وعدهده بشکرار مزایده اجر ایدیلوب ایدیلدی
واثنای مزایدهده مدیون مرقوم پنايوطك
بالجب تأدیة دین ایللمسی کندوسنه تکلیف اولنوب
اولندی حقنده تدقیقات لازمه اجرا سیله اولیابده
جریان ایدن معاملانك موضحاً اعلامه درج
وتمیق قلنمسی قانوناً مقتضی ایکن بوجهتلك دخی
تحقیق قلنامسی مغایر قانون اولدیغدن اصول محاکمه
حقوقه قانونك ایکوز اوتوز ایکنجی وایکوز
قرق برنجی ماده لری موجبجه اعلام مذکورك
نقضیه قانون مزبورك ایکوز قرق در دنجی ماده سی
حکمنه توفیقاً کیفیتك یکیدن بالرؤیه اعلامه
ر بطی ضمنتده محکمه مذکوریه اعاده سنه وزیرده
مفرداتی مرقم در تیوز درت بچی غروش مصارف
تمیزیهك ایلروده حقسز چیه حق طرفه رجوع
ایتمك اوزره اول امرده مستدعی تمیزدن
استیفاسنه ۱۹ مانس سنه ۳۰۸ تاریخنده متفقاً
قرار ویرله رك تفهیم قلندی .

نوشهر بدایت محکمه سندن ۱۷ ایلول
سنه ۳۰۸ تاریخی و اون طقوز عددی ایله
ویریلان اعلامك تمیزینی استدعا ایدن نوشهر
قصبه سنك اسکیل محله سنده مقیم سید محمد افندی ایله
مدعی علیه قصبه مذکوریه دائره بلدیة سی رئیس
رفیق افندی یوم معینده دائره کدکرنندن باش
مدعی عمومیلک مأموریت علیه سنك مطالعه نامه سی
الندقدن صکره اصول محاکمه حقوقیه قانون
موقتك ایکوز یکرمی طقوزنجی ماده سی موجبجه
تدقیقات تمیزیه اجرا سنه ابتدار قلندی .

اعلام مذکورك خلاصه مالی مومی الیه سید
محمد افندیك مورثی متوفی حاجی احمد اغا کفالتیله
مظلوم زاده حاجی علی اغانك نوشهر بلدیة صندوقه
باشند دینی بولنان سکر بیک غروش و وقوع بولان
تسلیماتك تنزلیله بقیه سنك مرقوم حاجی علی اغا
ایله متوفای مرقومك ترکسندن مع گذشته اجرای
موقتله تحصیلی حقنده سندن مذکورك ابراز یله
نوشهر بلدیة دائره سی وکیللری جانبندن اقامه
اولنان دعوایه قارشو مرقوم حاجی علی اغا دین
مذکورك اساساً سکر بیک غروش اولدینی
اقرار یله تسلیمات دنیلان مبالغ کندی حصه سی
اوله رق تمامیه ایفا ایدیلدی و بناءً علیه برکونه

بورچی قالدیغنی مدافعه در میان ایدیلدی کی
مومی الیه سید محمد افندی دخی مبرز سند زیرنده
مسطور کفالت شرحنه موضوع مهر پدرینك
اولدیغنی بالیان مبلغ مدعا بهی کلیاً انکار ایلمش
ایسهده مبلغ مدعا بهك مرقوم حاجی علی اغانك
دینی ایدوکی سبق ایدن اقرار مذکوریه تحقق
ایدیلدی مثلو کفالت حقده کی مذکور مهرك دخی
مومی الیه سید محمد افندیك پدری متوفی حاجی
احمد اغانك اولدینی دائره مرقومه هیئتك ذکر
اولنان سند ظهرنده کی تصدیقیله تبیین ایتسنه بناءً
مبلغ مدعا بهك مع گذشته بالغ اولدینی طقوز بیک
اوچیوز یکرمی بش غروشک لیرا یوز غروشندن
اولق اوزره مرقوم حاجی علی اغا ایله متوفای
مرقومك ترکسندن مع گذشته اجرای موقتله
تحصیله حکمدن و مستدعی تمیز سید محمد افندیك
اشبو قرار علیهنده لایحه سنده محرر باشلوجه
اعتراضاتی مستند ادعا اولان سند زیرنده مسطور
کفالت شرحنه موضوع مهر پدرینك اولدینی
حالده اولیابده برکونه تدقیقات اجرا ایدیلیرك
مذکور سنده بنای حکم ایدلمسی مغایر قانون
اولدیغنه بناءً اعلامك نقضی استدعاسندن و مدعی
علیه دائره مذکوریه رئیسك لایحه سنده مندرج
نتیجه جوابی حکم واقع موافق قانون اولدینی

متوفای مرقومك يالكر بر محمد و منك خصوصتيله
دعوانك تدقيق و رؤيته ابتداء اولنمى يولسز
اولدينى كى مبلغ مدعا بهك اداسنه متوفای مرقومك
حال حياتنده كفالت ايتمش اولدينى بوبابدهكى سند
ز برنده موضوع مهر ينك هيئت بلديه دن مصدق
بولنمسيه تحقّق ايتديكنه بناءً مبلغ من بورك
تحصيلنه قرار و يرلش ايسده دعواى واقعه ده
هيئت مرقومه نك مدعى بولنمسه كوره مهر
مذكورك انلر جانبندن مصدق بولنمسيه حكمه كافى
اوله ميه جفتدن اصول محاكمه حقوقيه قانوننك
اوچنجى بابنك دردنجى فصلنده كوستريلان تدقيق
خط و خاتم قاعده سنه توفيقاً تطبيقات لازمه اجرا
ايتدير يله رك تبين ايده جك حاليه كوره كيفيتك
تحت حكمه النسي لازم كلور ايكن بوراسنه دخى
دقت ايدليهرك بروجيه محرر قرار و يرلسى
مخالف اصول و قانون كورلدليكنه بناءً قانون
من بورك ايكوز او توز ايكنجى ماده سى موجبجه
اعلام مذكورك قضيله ايكوز قرق دردنجى
ماده سى حكمه توفيقاً كيفيتك صور مشروحه
دائرة سنده يكيدن بالرؤيه اعلامه ربطى ضمند
محكمه مذكوره به اعاده سنه وزيرده مفردانى مرقم
درتيوز درت بيج غروش مصارف محاكمه نك
ايلروده حقمنز چيقه جق طرفه رجوع ايتك

بيانيله تصديقي طلبندن و معاون مومى اليهك
مطالعهمسى دخى مبلغ مدعا بهك متوفى كيفيك
تركه سندن تحصيلنه حكم اولنمسيه ايسده ورثه نك
كيملردن عبارت اولدينى و تحرير تركه به محل
اولوب اولدينى تحقّق قلنامش و كفالت واقعه
شرطه معلق اولدينى حالده شرطك تحقّق ايدوب
ايتديكى تدقيق قلنامش اولديغنه مبنى اعتراضات
واقعه نك موافق قانون اولدينى بيانندن عبارت
بولنمشدر .

ايجابى لى المذاكره اعلام مذكور مطالعه -
سندن منقهم اولدينى اوزره دعواى واقعه نوشهر دائرة
بلديه سنك مرقوم حاجى على اغا ذمتنده غير از
استيفا بقيه مطلوبى بولنان مبالغ معلومه نك مديون
مرقوم ايله كيفى متوفى حاجى احمد اغانك تركه سندن
تحصيل طلبندن عبارت اولسنه كوره ذكر اولنان
مطالعهمسى نك فقره اوليسنده دخى بسط و اتیان
قلنامش اولدينى وجهله اول امرده متوفای مرقومك
وراثتى كيملره منحصر اولدينى شرعاً تحقّق و تعيين
ايتديرلدن صكره اقتضا ايدنلرك جليليه تشكيل
طرفين ايدلسى مقتضى بولنمسيه حالده محكمه
مرقومه جه بونقطه مهمه دن ذهول اولنهرق

مشار اليهانك درسمعات سفارتى قنچلاريه سى
ترجمانلردن موسيو قافروس حاضر اولدينى حالده
ايضا حات شفاهيه لرى استماع قلندقدن صكره تدقيقات
تميزيه اجرا سنه ابتداء اولندى .

اعلام مذكورك خلاصه مالى مرقومون
قسطنطى و طودورى و ارستيدى و النى و خرسينانك
اسكى باقى بازاری جاده سنده متصرف اولدقارى
بش باب دكان ايله درتيوز زراع طمله لى محلى
واوچيوز اوچ زراع قله مغازه سى سنوى اوچيوز
يكرمى بش ليرا اجرت و اوچ سنه مدت ايله
بامقاوله نامه مرقوم ني قوله الفانجى به ايجار اولنوب
اخيراً مدت ايجارك ختامنده مجدداً تعيين قلنان
اوچيوز التمش ليرا اجرت سنوى به ايله بتكرار
مرقوم ني قوله به ايجار و طقسان ليراسى دخى
بروجه پشپين اخذ ايدلش ايسده مرقومك
اولبابده تنظيم قلنان مقاوله نامه بى امضادن و تقاسيط
معينه سنى ايفادن امتناع ايدليكى جهتله عقارات
مذكوره نك تخليه سى و بدل ايجاردن متراكم يوز
سكسان ليرانك مع فائض مستأجر مرقومدن
تحصيلي حقنده بالاصاله و بالورانه بك اوغلى بدايت
محكمه سى برنجى حقوق دائرة سنده اقامه ايدلكرى
دعوايه قارشو مرقوم ني قوله الفانجى و كيلي دخى

اوزره اول امرده مستدعين النسنه ه مايس
سنه ۳۰۹ تاريخنده متفقاً قرار و يرلدى .

محكمه استئناف حقوق قسمندن ۶ تموز
سنه ۳۰۸ تاريخى و سكسان ايكي عددى ايله صادر
اولان اعلامك تميزينى مقرى قريه سنده حكومت
قوانغى اتصاليه كائن خانه ده ساكن يونان دولتى
تبعه سندن مسكرات قابريه جيسى موسيو ني قوله
الفانجى طرفندن استدعا قلنددينى دولت مشار اليهانك
درسمعات سفارتى قنچلاريه سندن با تقرير بيان
قلنامش و وقوع بولان دعوت اوزرينه مستدعى
موسيو ني قوله و كيلي ديمتري قوبلا افندى ايله
ميمز عليهم درسمعاتنده شابجى خاتمه اون سكر
نومرولى مغازه ده ساكن صرافاندى يانقو اوغلى
هاجى قسطنطى و قاضى قريه سنده حيدر پاشا
محله سنده عزيزيه سواقنده نومروسز خانه ده
ساكن طودورى و النى و خرسينا قادينلر
وصامسونده مقيم رضى مامورلردن ارستيدينك
وكيلي و هبى افندى دائرة كمش اولدقارندن دولت

منازع فيه مسكرات مغازه سنك كدكي اساساً اورام
طودورينك مالی اولوب وقاتيله قرن داشلری
واسیل و لوسیه به انتقال ایتکله موکلی انلردن
استیجار ایلدیکنی و موکلیله مدعیلر بیننده عقد
ثانی وقوع بولمادیقنی مدافعه درمیان ایتسی و مدعیلرک
عقد ثانیك وقوعی اثباتدن اظهار عجز ایتلری
اوزرینه مذکور مغازه حقنده کندوسیه مرقومون
بیننده عقد ثانی وقوع بولمادیقنه دائر مرقوم نیقوله
الفانچینک تخلفی اجرا قلندقدن صکره جریان ایدن
تدقیقات نتیجه سننده مدعی مرقومک عقارات
مذکورہ نك مع کدکات ملکنه متصرف اولدقلری
ابراز اولنان بدی قطعه سند مندرجاتیله تحقق
ایتمش اولدینی کبی املاک مذکورہ نك مجموعته
مبرز عتیق مقاوله نامه موجبنجه نیقوله الفانچینک
مدعیلری متصرف طانیوب اولوجهله اقرار
ایتمش اولسیه بشقه کدک صاحبی موجود ایه
آیروجه اقامه دعوی ایتک اوزره املاک
مذکورہ نك اجرای موقته تخلیه سی لزومنه دائر
محکمه مرقومه دن صادر اولان اعلامک محکمه
استیناف حقوق قسمنجه بالتدقیق نفس عقار
دعوالرنده اجرای موقت غیر جائز بولندیقندن بختله
یا لکر اجرای موقته تخلیه قرارینک فسخندن
صکره اجرا قلنان تدقیقات استینافیه نتیجه سننده

مستأنف مرقوم الفانچینک دعوی واقعہ نك
منازع فيه عقاراتک کدکاتنه متعلق اولق حسبیه
رؤیتی محکمه شرعیه به عائد اولدینی حقنده درمیان
ایلدیکی ادعایک ردندن صکره مرقوم الفانچینک
نتیجه ادعای مأجورک میاننده بولسان یکرمی
التي نومرولی دکانده مستقر کدکک متصرفی
شخص آخر اولغله عدم تخلیه سنه متدائر اولدینی
اکلاشیله رق شو حالده اعلام ابتدائیک سالف
الذکر یکرمی التي نومرولی دکاندن ماعداسنک
تخلیه سنه متدائر بولنان حکمک استیناف ایلدیکنی
اوراق استینافیه مندرجاتندن مستبان اولوب
بولرک اجر مثلاًرینک تعیین وتحصیلی ایه هنوز
بدایه در دست رؤیت بولندیقنه و بدایه اعلامه
ربط اولنمیان خصوصاتک استینافاً رؤیتنه مساغ
قانونی بولندیقنه مبنی مرقوم الفانچینک عقارات
سائرہ نك تخلیه سی جائز اوله میه جنی حقنده کی
ادعاسنک دخی ردیه وقوع بولان طلب اوزرینه
اشبو قرارلرک اعلام شکنده تبلیغه حکمدن
ومستدعی نیقوله الفانچی وکیلی دیمتری افندیکنک
اشبو حکم علیهنده باشلوجه اعتراضاتی منازع فيه
عقاراتدن یکرمی التي نومرولی مسکرات مغازه سنک
متوفی اورام طودوریدن موکلتک مبايعه ایتمش
اولدینی جهته مرقومون علیهنه محکمه شرعیه ده

تصرف ادعاسنه قیام ایلدیکنی ودعوی حاضره
دخی منازع فيه عقاراتک کدکاتنه متعلق بولندیقنی
جهته شرعاً لزوم رؤیتی عندالاستیناف طلب
ایتمش اولدینی حالده بوراسنه دقت اولندیقنی کبی
خصم لرینک تصرف ادعای دخی اثبات
ایدیله مامش ایکن بروجه محرر حکم ویرلسی مغایر
قانون اولدیقندن بختله اعلام مذکورک نقضی
استدعاسندن ومبزع علیهم وکیلی وهبی افندیکنک
نتیجه جوانی دخی منازع فيه عقاراتدن یکرمی
التي نومرولی مسکرات مغازه سی حقنده مستدعی
تمیزک درمیان ایلدیکنی اشترا و تصرف ادعای
درجه اولی وثانیه محکمه لرنده درمیان اولنماش
اولدیقندن تمیزاً استماعی جائز اوله میه جنی بیانیله
اعتراضات واقعہ نك ردی وموافق اصول وقانون
اولان اعلام مذکورک تصدیق طلبندن
عبارت بولنمشدر .

ایجابی لدی المذاکره مستدعی تمیزک وظیفه
حقنده کی اعتراضی استدعا دائره سنجه حل ورد
ایدلمش اولغله دائره نك تدقیقنه محل کوریه میوب
انجق اعلام مذکور مندرجاتندن منفهم اولدینی
اوزره اساس دعوی مدعیلرک تحت تصرفلرنده

اولوب مرقوم الفانچی جانبندن اولجه استیجاراً
والیوم فضولاً اشغال ایدلمکده اولان املاک
تخلیه سنه متعلق اوله رق عقارک تصرفنه متدائر
میدانده بردعوی اولمامسنه و اعلام ابتدائیه
محرر اولدینی وجهله املاک مذکورہ نك مع
اجرای موقت تخلیه سنه دائر اولان قرار موافق
اصول وقانون بولنسنه نظراً عندالاستیناف قرار
مذکورک تصدیق امور لازمه دن بولندیقنی حالده
دعوی واقعہ نك عقاره متعلق اولدینی بیانیله
اولساده کی ماده قانونیه حکمنه یا کلش معنی
ویریلرک اجرای موقت قرارینک فسخ ایدلسی
قانونه مغایر اولدیقندن اصول محاکمه حقوقیه
قانون موقتک ایکوز قرق برنجی ماده سی موجبنجه
اعلام مذکورک بوجهندن طولای تقضیه قانون
مذکورک ایکوز قرق دردنچی ماده سی حکمنه
توفیقاً کیفیتک صورت مشروحه دائره سننده
اعلامه ربطی ضمننده محکمه مرقومه به اعاده سنه
وزیرده مفرداتی مرقم سکر یوزاون اوچ یحق
غروش مصارف تمیزیه نك ایلروده حقسنز
چیه حق طرفه رجوع ایتک اوزره اول امرده
مستدعی تمیز نیقوله الفانچیدن اخذ واستیفاسنه
۱ شباط سنه ۳۰۸ تاریخنده ترجان مومی الیه

حاضر اولدینی خالده اتفاق آرا ایله قرار ویرلهرک
تفهیم قلندی .

عکا داخلنده صفد قضا سنده ترشیا قریه سی
ساکنلرندن تجاردن سعید واحد اغالر ایله بیننده
متحدث دعوایه دائر سوریه استیناف محکمه سندن
۱۳ کانون ثانی سنه ۳۰۱ تاریخی و اوتوز بر
عددی ایله ویریلان اعلامک تمیزاً تدقیقی عکاده
مقیم صغیر فوآد ولیسی حیران سعد افندیکنک باسند
مصدق وکیلی مغردیج اساسیان افندی جانبندن
اعطا قلنان عرضحال و متفرعاتنده استدعا و تأمینات
قانونیه ایضا قلنمش و دعوت واقعیه اوزرینه
مستدعی حیران سعید افندی جانبندن مغردیج
اساسیان افندی وکالة کلهرک مدعی علیهما سعید
واحد اغالر کلدکری و جواب لایحه سی ویرمدکری
کی وکیل دخی کوندردم دکرلرندن باش مدعی عمومی
معاونلرندن سعادتلو یورغا کی افندی حاضر
اولدینی خالده اصول محاکمه حقوقیه قانون موقتک
ایکیوزیکرمی طقوزنجی ماده سی موجبجه غیاباً
تدقیقات تمیزیه اجراسنه ابتدار وادعا و افاده سی

مستدعی تمیز وکیلندن استفسار قلندی .

اعلام مذکور مندرجانه نظراً مرقوم سعید
واحد اغالر وادی القرن نام محله واقع طرف
میریدن مزایده ویریلان یدی باب دکرمان
میاننده متصرف اولدقاری امجوزه نام دکرمان
دخی بلزایده موسی الیه حیران سعید افندیکنک
صغیر مخدومی فوآده بیع و تقویض قلندیغندن
واملاک امیریه نک تحقیقی ایچون و قتیله تمیزین
اولنان قومیسسیون معرفتیه تنظیم اولنهرق لوا
دفتر خاقانی قلمنده محفوظ دفترده الی و بلاسم فقط
طاحون تحت القلقه الضرت دیو کوستریلان برکه
جمعاً یدی باب دکرمانک املاک میریدن اولدینی
مسطور ایسه ده امجوزه دکرماننه دائر برکونه
اسم و قید اولدیغندن بختله مذکور دکرمانک
طرفلرینه اعاده سی عکا بدایت محکمه سنده طلب
وادعا و صورت تصرفلرینی مثبت ۱۰ ربیع الاخر
سنه ۶۲ وعن رجب سنه ۶۳ تاریخی حاوی ایکی
قطعه حجت شرعییه ایله برقطعه مضبطه ابراز
واعطا ایتملرینه قارشو صغیر مدعی علیه مزبورک
ولیسی حیران سعد افندی دخی مذکور دکرمانلرک
جمله سی میرینک ایدوکنی و مقدما حکومت ایله
مدعیلر بیننده مذکور دکرمانلر حقنده جریان

ایدن دعوی بدایه و استینافاً بالرؤیه میری به عائد
ایدوکی تبیین ایتمسندن طولانی مدعیلرک ادعاری
رد اولدینی کی مذکور دکرمانلر مزاد اولدینی
صرده مدعیلر دن سعید اغا طرفندن مزاد
یوصله سنه بی سورلدیکی و بومقوله بدایه و استینافاً
تحت حکمه ائمان دعوانک تکرار رؤیتی جائز
اولدینی و امجوزه دکرمانی ام القرون نام محله
ایدوکی مدافعه درمیان ایتمش ایسه ده حکومتله
اهالی بیننده مقدما خصوص مذکور دن طولانی
سبق ایتمدیکي ادعا قلنان محاکمه یه دائر ویریلوب
محکمه ده محفوظ اولان اعلام ابتدائیده مرقوم
سعید اغانک اسمنه ونه ده امجوزه نام دکرماننه
دائر برکونه صراحت اولیبوغ اغای مرقومک
مبرز مزاد یوصله سنده دخی امضاسی اولدینی
و مذکور مضبطه و حجتلر امجوزه نام دکرمانک
مدعیلرک ارتاً تحت تملک لرنده ایدوکنی مشهر
اولدینی کی میری به عائدیتی حقنده برکونه اوراق
ابراز ایدیلر مامش اولدیغندن مذکور دکرمانک
سعید واحد اغالر تسلیمنه قرار ویرلمش واشبو
حکمه حیران سعید افندی طرفندن عدم قناعتله
سوریه استیناف محکمه سنه مراجعتله استیناف
دعوی اولنهرق عندالحا که منازع فیسه دکرمان
حقنده حکومت محلیه علیه ده سعید اغانک اقامه

دعوی ایتمدیکنه دائر اولان اوراقک جلب
و مطالعه سی لزومی بیان و انبیا قلنمش ایسه ده
اولابنده اجرا قلنان تدقیقات استینافیه نتیجه سنده
مرقومان سعید واحد اغالرک مذکور امجوزه
دکرماننده کی تصرف و ملکیتلری سالف الذکر
۱۰ ربیع الاول سنه ۶۲ تاریخی حجت شرعیه
ایله ثابت و مذکور دکرمانک صفد قضاسی املاک
قلمنده سعد اغا نامنه مقید اولدینی مأموری
جانبندن یازیلان درکناردن مستبان اولدیغنه مبنی
اعلام ابتدائیک تصدیقه قرار ویرلدیکی
اکلاشلمشدر .

مستدعی تمیز حیران سعید افندی وکیلی
مغردیج اساسیان افندیکنک خلاصه اعتراضاتی
منازع فیسه اولان دکرمان ملک اولدینی مقدما
حکومت سنیه ایله اهالی بیننده بدایه و استینافاً
جریان ایدن دعوی اوزرینه تحقیق ایدرک تکرار
رؤیت دعوی جائز اولدینی خالده استیناف
محکمه سنجه بوراسنه دقت ایدلامسی و مدعی
علیه مادن سعید اغانک اهالی ایله برلکده اقامه
دعوی ایتمدیکنه دائر اولان اوراقک جلب
و مطالعه سی طلب اولنمش ایکن جلب اولدینی کی
مدار حکم اتخاذ قلنان حجت شرعیه مندرجاتک

عیناً ویاخلاصهٔ اعلامه درج اولنامه سی مغایر قانون اولدیغندن بختله اعلامک تقضی استدعا سندن عبارت بولنش و بشقه بریده جکی اولدینی مستدعی وکیلندن بالسؤال اکلشلمش اولغله معاون مومی الیهدن مطالعه سی استفسار اولندقدن منازع فیه دکرمان واملک سائر حقنده مرقوم سعید اغا ورفقاسنک مقدا حکومت سنیه علیهنده اقامه ایدلکاری دعوی بدایهٔ واستینافاً رد ایدیلهرک اولبابده ویریلان ایکی قطعه اعلام استینافیده دخی منازع فیه امجوزه دکرمانی صراحةٔ بیان اولنهرق الیوم محکمه قلمندن محفوظ بولنش اولدینی جهتله انک وشو دکرمان حقنده اغای مرقومک اقامهٔ دعوی ایتدیکنه دائر اولان اوراقلک جلب و مطالعه سی طلب اولنش ایکن اوراق مذکور جلب و مطالعه و طرفین استماع اولنمکسزین و اعتراضاتی نظردقته انمکسزین حکم وقرار ویرلمی مغایر قانون اولدینی بولنده ایراد و مطالعه ایش و متعاقباً امر استیضاحک ختام بولدینی تفهیم قلمشدر .

ایجابی مذاکره اولندقدن تمیز اولسان اعلامک نتیجهٔ مفادی مذکور امجوزه دکرماننک مبرز حجت شرعیه موجبجه مرقومان سعید

واحد اغالرك اولدینی تحقق ایش اولدیغندن بختله مذکور دکرمانک مرقومان سعید واحد اغالره تسلیمنه قرار ویرلدیکندن عبارت اولوب انحق مدار حکم اتخاذ اولنان حجتلرك غیاباً ویاخلاصهٔ اعلامه درجی مقتضی اولدینی حالده درج اولنامه سی و مذکور حجتلرك بلایینه مضمونیه عمل جائز اوله جق سندات شرعیه نك صورت تنظیمنه دائر ۴ جمادی الاول سنه ۹۶ تاریخی تعلیمات سنیهدن مقدم تنظیم اولسنه نظراً بلایینه مضمونیه عمل جائز اوله میسوب مضمونلرینک بالیان اثبات ایتدیریلهرک اکاکوره حکم اولنسی لازم کلور ایکن بوراسنه دخی دقت ایدلامی و بوبابده مقدا حکومت علیهنه اقامه اولنان دعوی بدایهٔ واستینافاً رد ایدیلهرک اولبابده اعطا قلسان اعلاملرده منازع فیه امجوزه دکرمانی صراحةٔ مذکور و محکمه قلمنده موجود بولندیغندن بختله اشبواعلامات ایله مذکور دکرمان حقنده سعید اغانک دعوی ایتدیکنه دائر اولان اوراقلک جلب و مطالعه ایدلمکسزین و طرفینک بوبابده اعتراضاتی استماع اولنمکسزین حکم وقرار ویرلمی اصول وقانونه مغایر بولنش و مستدعی مومی الیهک بوبابده اولان اعتراضاتی شایان قبول کورلدیکی کی معاون مومی الیهک مطالعه سی دخی موافق نفس الامر

بولنش اولغله اصول محاکمه حقوقیه قانون موقتک ایکوز اتوز ایکنجی وایکیوز قرق برنجی ماده لری موجبجه اعلام مذکور تقض ایدلمش اولدیغندن کیفیتک یکیدن بالرؤیه اعلامه ربطی ضمننده سوریه استیناف محکمه سنه اعاده سنه و اعلام خرجی اولان ایکوز غروشله صورت و تبلیغ خرجلری بولنان سکسان غروشک زیرده مفرداتی محرر درتیوز یکرمی برغروش مصارف محاکمه ایله ایلروده حقسز چیه جق طرفه رجوع ایتک اوزره اول امرده مستدعیدن النمسنه ۳ شباط سنه ۳۰۳ تاریخنده متفقاً قرار ویریلهرک مستدعی وکیلنه تفهیم قلندی .

اعلان

متولی محمد نورالدین افندینک حاجی حسن اغا ذمتنده محکمه تفیشدن ویریلان ۲۸ جمادی الاخر

سنه ۳۰۱ تاریخی برقطعه ادانه حجتی موجبجه الاجنی اولان مبالغ معلومه نك تأمین استیفایی ضمننده مدیون مزبورک عهده سنده اولوب متولی مومی الیهک وکالت دوریه سنه بناءٔ مرهون و فروختی محکوم بولنان استانبولده قوجه مصطفی پاشا محله سنده قره غولخانه قارشوسنده واقع بر باب لبلیجی دکانی دروننده موجود کدکک اشبوتاریخ اعلاندن اعتباراً اون بش کون صکره فروختنه تشبث اولنه جغندن طالب اولنلرك وبوندن دهها زیاده معلومات المقتی استیانلرك مدت مذکوره ختامندن صکره در سعادت اعلامات شرعیه اجرا دائره سنه مراجعت ایلملری دائرهٔ مذکورده دن اعلان اولنور .

فی ۱۷ حزیران سنه ۳۰۹

ابراهیم افندینک در سعادت بدایت محکمه سی برنجی حقوق دائره سندن صادر اولان اعلام موجبجه ترسانه عامره قوندره متعهدی بدروس

اغا ذمتنده الاجنبي بولنان مبالغ معلومه نك تأمين
استيفاسي ضمتنده تحت حجزه النوب فروختي
قرارلشدير يلان يكي بغچه جوارنده كحال باغي
نام محله آر په اميني محله سنده واقع يدي نومرولي
واوچيوز اون طقوز آر شون مقداري بر قطعه
عرصه نك تمامی اولنان مزايده نتيجه سنده بيك
ايكيوز غرو شده طالبي عهده سنده تقرر ايتمش
اولديغندن بوندن زياده يه يعني يوزده بش ضميله
طالب اولنلرك ودها زياده معلومات المقي استيانلرك
تاريخ اعلاندن اعتباراً اوتوز بر كونه قدر اجرا
دائرة سنده مراجعتله بي سورملري لازم كله چكي
ومدت مذكوره نك اقتضاسني متعاقب قرار قطعي سي
كشيده قلنه جغندن اندن صكره بي قبول اولميه جنبي
درساعات اعلامات نظاميه اجرا دائرة سندن
اعلان اولنور .

في ۲۸ حزيران سنه ۳۰۹



زينب خانمك حافظ علي افندي ذمتنده محمود
باشا محكمه سندن ويريلان ۲۵ ربيع الآخر سنه ۳۰۸
تاريخي اعلام شرعي موجب نجه الاجنبي اولان مبالغ

معلومه نك تأمين استيفاسي ضمتنده مديون مومي
اليهك عهده سنده اولوب درساعات بدايت
محكمه سي ايكنجي حقوق دائرة سندن ويريلان
۱۶ تشرين ثاني سنه ۳۰۸ تاريخي اعلام ايله
فروختي محكوم بولنان چنبرلي طاشده نور عثمانيه
جاده سنده وزير خاني صره سنده واقع اللي سكر
نومرو ايله مرقم مديون مومي اليهك والده سي
متوفاة فاطمه خاتمن ارثاً انتقال ايدن عرصه ده كي
درت حصه دن بر حصه سي بوندن اقدم مزايديه
قونيله رق ليرا يوز غرو شدن بيك يديوز غرو
بدل ايله طالبي اوزرنده تقرر ايتمش اولديغندن
يوزده بش ضميله بوندن دها زياده طالب اولنلرك
اشبوتاريخ اعلاندن اعتباراً اوتوز بر كونه
درساعات اعلامات شرعيه اجرا دائرة سنده
مراجعت ايلملري ومدت مذكوره ختامندن
صكره مذكور بر حصه عرصه تقرر ايدنه چك
بدل ايله طالبي عهده سنده معامله فراغيه سي اجرا
قلنه جنبي دائرة مذكوره دن اعلان اولنور .

في ۳ تموز سنه ۳۰۹



(مطبعة عامر ده طبع اولمشدر)